

مکتبہ اقبال

مطبع و محل ادارہ :

جہاں اوغلندہ امنیت
مندوخی جوارندہ
شنکول یقوشندہ
۲۵ نومبر

اظہار :

مسلمکمزہ موافق آثار
جدیدہ مع الممنونہ
قبول اولنور

درج ایدلمہین آثار اعادہ اولنماز

دیر ، فلسفہ ، علوم ، حقوق ، ادبیات تاریخ ، سیاسیاندرہ وبالخاصہ احوال و شئون اسلامیدر بحث ایدر و ہفتہ درہ بر نشر اولنور .

آبونہ بدلی

صاحب و مؤسسری :

ابوالعلا زین العابدین - ح . اشرف ادیب
تاریخ تاسیسی

سنہ لکی	التی آیلنی	غروش
ممالک عثمانیہ ایچون	۶۵	۳۵
روسہ	۶۵	۳۵
سائر ممالک اجنبیہ	۱۷	۹

۱۰ تموز ۳۲۴

در سعادتدہ نسخہ سی ۵۰ پارہ در

قیرلہ دن مقوا بورو ایله کوندریلیرسہ سنوی
۲۰ غروش فضلہ آلنیر

عدد : ۱۸۵

۱۸ جمادی الآخرہ پنجشنبہ ۲ حریران ۳۲۷

آلشچی جلد

انات سلطانی مکتبی

و

شرقده انقلاب اجتماعی

« سنین غزته سی بوکونک مسئله سی دیه بوندن بحث ایتدیکی صره ده دیورکه :

« شبهه سزکه بو ، مملکت ایچون پک بیوک ، پک عظمتلی بر حادته اجتماعی در . دینله بیلیرکه بوغاز ایچونک یشیل بر تپه سندن حاکم آفاق اولان بو مؤسسه خیره بوتون شرقده کندیسی کوستره جک بر انقلاب قریبک اک قوتلی بر عاملی ، اک یوکسک بر آیدوسی اولاجقدر . »

اشاغی ده ینه تکرار ایدیور :

« ... بو نسللر تعاقب ایتدیجه ، او مؤسسه لرده آرتاجق ، یوکسکه جک و بو صورتله شرقک تکامل معنویسی ، انقلاب اجتماعی ده تأمین ایدلش اولاجق .. »

عجبا نه دیمک ایسته یور !

شئون

قوصوه صحرا سنده اجتماع اسلام

نمنه و کرمه تعالی ، یارین قوصوه صحرا سنده ، خلیفه مسلمین سلطان محمد خان خامس حضرتلری حاضر اولدینی حالده ، یوز بیکارجه اهل اسلامدن مرکب بیوک بر اجتماع وقوعه کله جک ، امتجه جمعه نمازی ادا اولنه جق در .. عثمانلی انقلابی نصل بتون عالم اسلامده بیوک بر انتباه حصوله کتیر دیسه ، یارینکی معظم و مسعود کون دخی بتون عثمانلر و مسلمانلر آرمسندکی هر درلو نفاق و شقاقلری قالدیره رق حقیقی بر وفاق و اتحاد حصوله کتیر منسی الطاف الهیه دن متضرع و مأرلدر . نمازک ختامن متعاقب (عالم اسلام و زوایایه انتشار اسلامیت) مؤلف محترمی عبدالرشید ابراهیم قندی حضرتلری طرفندن بتون عالم اسلام امرا و رؤسایه مشهددن تلغرافلر کشیده اولنه رق بو بیوک و مهم اجتماع اسلام حقنده معلومات ویرله جکدر .

ممالک عثمانیه نك بر چوق شهرلرند جوامع کیره ده صلات جمعه ادا ایدلکدن صوکر او بو مسرتی و مین کونی تجیلا مولد نبیلر ارقونه جق ، ضیافتلر ویرله جک ، فقرا و محتاجینه صدقه لر توزیع اولونه جق ، شلکدر اجرا ایدیه جکدر . یقین شهرلره دارالخلافه دن خطیلر دعوت اولمشدر . انتباه اسلامک بمنه الکرم فاتحه سنی تشکیل ایده جک شئو مبارک کونی ادرامزدن طولای بتون عثمانلیری و عالم اسلامی تبریکه مسارعت ایدرز .

قوصوه صحرا سنده امتجه ادا اولانه جق

جمعه نمازی

دین اسلام سعادت اخرویه یی تأمین ایتمکه برابر معاشرت دنیویه یی ده تنظیم ایدن بر حکمت صمدانیه در . نمازلر « جماعتله » ادا اولنور . ادله فقهیه دن بریسی (اجماع) در . اسلامک یوم مقدسه (جمعه) ،

مکان عبادتنه (جامع) اطلاق اولنور . اهل سنته (اهل جماعت) صفقی تردیف ایدیلر .

دین اسلامک « اجتماعی » بر دین اولدینی اثبات ایچون بوکی تعبیرلردن استمانیه ده احتیاج یوقدر . روما دولت معظمه سنک و آنی تعقیب ایدن اوروپا دولتلرینک عصرلرجه تجربه لرندن طوغان حقوق غریبه قواعد معاشرتک اساسلری بیک مشکلاتلا و قسماً وضع ایده بیلدیکی حالده دین اسلام ادله باهریه مستند اولان احکام فقهیه سیله غایت نریه و عادلانه بر مدنیتک بوتون قاعده لرنی تنصیص ایتمشدر . دین اسلامک جماعتجه ادا اولان فریضه لرلی اولدینی کی امتجه ایفا قله جق عبادتلی ده واردر . خلیفه اسلام امام المسلمیندر . امام بر امتک پیشوای معنویاتی دیمکدر .

جمعه وایرام نمازلری امام المسلمینک حضوری و وکیللرینک وساطتیه ادا اولنور . مکاناً متفرق فقط روحاً متحد جماعتلر طرفندن قانسان بونمازلر امتجه ایفا ایلش لیدر .

و بومسرو داتی تمهیددن مقصد وطن عثمانینک هرولایتدن بر حس علوی دینسارانیه ایله قوشوب کلن هیئتک امام المسلمینله برار قوصوه صحرا سنده ادا ایده جکلی جمعه نمازینک تاریخ اسلامده امثالی کورلمه مش (امتجه بر نماز) اولدینی تصریح ایتمکدر . دور استبدادده دینی اجتماعات بیلله ممنوع ایدندی . مشروطیت عثمانیه نك نه عالم اجتماعات دینییه به زمین امکان نهیه ایتدیکی و دیانت ایله حریتک یکدیگرندن آیرلمازا بکی امر معزز جاودانی اولدینی بومناسبتله ده ظاهر اولیور .

قوصوه صحرا سنده کی جمعه نمازی یالکر بر عبادت دینییه دن ده عبارت قالمیه جقدر . اهل صلیک عثمانلیری اورویان اخراج ایچون جراد عزمم کی قوصوه صحرا سنده تحشدا ایتدیکی اوان قطنی حیات و نماز تحظر ایدلم .

سلطان مراد خداوندکارک (یارب ملت می مظهر ، بکا شهادتی میسرایت) دعای صمیمینک مظهر اجابت بو یورلرینی او عیدماتم آلودی یادیمزه کتیردم . او کون تاریخ اسلامده نصل بر یوم نافر اوثر ایسه جماعت شهدانک ده اشتراکنه شبهه اولمیان بو (جمعه) کونی ده حافظه امتده نسیان ناپذیر بر روز ابدزنده قاله جقدر .

خلیفه اسلامک پای تحت ثانی سلطنت اولان ادرنیه تشریفلرند ادا بیوریلان فریضه جمعه ده حاضر ایدم . او مبارک نمازک تأثیر معنویاتی وجدانلره نه صورتله افاضه روحانیت ایتدیکنی بالتجربه آکلامش اولدیغ ایچون امیر المؤمنین حضرتلرینک مشهد خداوندکارده ملتله برابر اجتماع و امتله برلکده عبادت ایتلرندن حاصل اوله جق فیوض وجدانیه یی شیمیدین حس ایدهرک بختیار اولیورم . (جناب حق دائماً امت ناجیه یی بوقیل سعادتله مظهر بو یورسون) دعاییه بونارخی سیاحتدن متولد مسعودیتیزی تحذیر ایدلم .

اتحاد و ترقی جمیة کاتب عمومیه سی :

مامی عادل

و تفادیر . صف صف دیزبان ارباب توجه ، کوکل بر لکنی ، بر
وعادل اللهك حضور عظمتده تذکر ایلامیدرکه بونی دیگر بر مقاله مده
شرح و ایضاح ایلرم او غلم .

مسلمانلق نعمتدر

ارکان وقواعد اسلامیه دن هیچ بری بولنه مازکه بر حکمت
جلیله استناد ایتسون .

مثلاً رکن رکن اسلام اولان نماز شو عالم شهودک غوائل مادیه سیله
قلباً قالباً دوچار تمب وقتور اولدینی بر زمانده انسانک امدادینه
یتیشیر . قالبی کعبه اللهه ، قلبی اللهه چویرر . انسان او دمه جسم
عالم شهودده ایسه ، روحاً عالم غیبده در . قلب محاسبه نفس ایله مشغول
اوله رق شکر وتوبه کی بر طاقم حسیات علویه ایله تسلیت بولور کن
قالب حرکات بدیهه اجراییله قوت وصحت اکتساب ایدر .

سنهده بر آی اوروج انسانی اون بر آی ظرفده کوستردیکی
افراط و تقریطدن تخلیص و اوقات اکل و شربی تنظیم ایلر . بولری
امر الهی ایله یامه نك جسم و روح اوزرینه تاثیر غریبی واردر .
آچلق قوه درا کینی تنیه ایتدکجه نیجه حقایق علویه ذهنه رهیاب
دخول اولور . و انسان زمان اولورکه عوالم علویه کسب اتصال
ایلر . حکیم اسلام سعدی شیرازی بو نکته یی آکلاتق ایچون :
« اندرون از طمام خالی دار : تادر ونور معرفت بینی . تهی از
حکمتی بملت آن : که پری از طمام تایی . » دیمشدر .

سوسیالیزمک جهانک هر طرفده هر کون توسع ایتمکده اولدینی
شو زمانده زکاتک حکم و فوایدندن بحث ایتمکه احتیاج کورمک
احوال عالمدن بتون بتون غفلت کوسرتمک اوله جنبه چون اوتدر
عافل داورانمی نقشه هضم ایتدیره مدم .
حجک ماری . معنوی فوایدی حقنده بک چوق صنفات وجوده
کیشدر .

حجتن لایقوله استفاده اولدنه دنیانک بر حکومت اوله جتی
(مسامره قسطنطنیه) مؤلفی موسیو میسر حجک فواید اساسیه سی
صره سنده ذکر ایدیور .

حج الهی بر بازار اولدینندن مبادله مصنوعات و معمولات کی
فواید اقتصادی سی ده حد و احصایه کلر .

مؤلفین اسلامیه فواید حجک هر کس حقنده — ولو صورت
محدوده اولسون — تأمین ایچون حاججا موسم بموسم بازار
قورمنی ، بویوک بویوک اجتماعلر ، سیاحتلر تشکیلی توصیه بیورمشلر
وحجی اصغر واکبر وصفلیله ایکی به تقسیم ایلامشدر . چونکه
« من مات ولم یحج فقدمت یهودیا او نصرانیة » حدیث شریفی
بو صورتله تأویل ایده بیلمشدر . ذاتاً « الجمعة حج المؤمنین »
حدیث شریفی ده بو تأویل ایچون بر زمین مساعد همیشه ایلمشدر .

ملتک تألیف قلوبی ، تأمین اشتیاقی تسکین مقصد جهابستندله سیله
سلانیک ، اسکوب و پرشتنه طریقلیله مشهور خداوندکار غازی بی زیارت

بو مناسبتله افاضل علمادن بر ذات محترم طرفندن ترجان حقیقت
رفیق مزه شو مکتوب کوندیشدر :

خلافت مآب افندیمرک : قوصوه مشهد مبارکنده جماعت کبرای
مسلمینک مقتداسی اوله رق کله جک جمعه کونی جمعه نمازینی ادا ایتلری
پیامی ، عالم اسلامک موجب اشراح تامی اولدینه شبهه یوقدر .
داعیکز ، نبشیر قرآن وجه ایله شوکت وسعادت ادوارینک تخطر
عودتیه بکام ایکن دون اقشام روم ایل افقارندن طلوع ایدن نور
حریت کی تنویر اعین حقیقت ایلین جرائد دن « روم ایل » جریده سنک
صوک نسخهنک قرائته فرصت الوپردی . خدا علیم ، کوزلرم
سرشک شادی ایله سطور بیانی کوره من اولدی .

اتحاد و ترقی جمعیتی — که داعیکز توفیق الهی به قرین اولان
مساعی جزیه لری حسینیه منجیه صفتی اضافده تردد ایتم — مرکز
عمومی کاتبی حاجی عادل بک افندی او غلم ، فیض توحید و ایمانک
قلب و قلمه بخش ایتدیکی فیض جاودانی و معنوی ایله اول مشهد مبارک
خداوندکاره امتجه ادا ایدیله جک صلاة جمعه نك فضائلی تذکار
ایلامشدرکه :

— جناب حق معنی مشکور ایلسون —

دعاسی تکراره جریده کزی توسط ایدیورم . کعبه الله ایله
مشرف اولان حاجی عادل بک او غلمی ، درعلیه ده برایکی دفعه کورمک
نصیب اولدی . خدا ، بردها قسمت ایدرسه تشکراتی شفاهاً تقدیم
ایتمک ایتدورم . جریده کز حقنده مخالفت غیاییم ، امام المسلمینک
قوصوه صحرا سنده جماعت کبرای موحدینه امامت ایلله جک لری خبرینی
ایلک دفعه اعطا ایلدیکی . بهتله تزاید ایلمشدر . اونک ایچون مشارالیه
حاجی عادل بکک هر گله سی بر در منشور حکمت اولان بیاننامه سنک
انظار مؤمنینه وضعی تمی ایدرم .

حاجی عادل بک افندی بنم غایه خیال وامل اولان « اتحاد اسلام »
نامه اودرجه نکته پیراجاله خانه بلاغت ادا ایلمشدرکه تصویرنده
اعلان عجز ایدیورم ، داعیلری ولوال سیاسیات ، زلزال احتراصاتدن
مجنب ، نشر حقایق دینه ساعی و مکب بر خادم وطن اولقله افتخار
ایلرم . عقلای اوروپانک « اتحاد اسلام » ترکیندن ذات مادونک کلاً
مغایری بولنان معانی قصد ایتلری قضیه بدیهیه سه قارشی بنم مسلمکده
بولنان بر آدمک ینه اوندن بحث ایتمی بر آز غریب کورینور ایسه ده
حقایق بینان امت ، « اتحاد اسلام » نظریه سنک ماهیتنی اثباته تشمیر
ساق غیرت ایلدکلری جهتله داعیلری ده او اثره اقتفاء « اتحاد اسلام »
طرفداری اولقلغم طبعی در . ذاتاً او یلا اولماسه بیله « مؤمنین قاردش »
اولوب منتهای غریبه کی مؤمنک ، اقصای شرقده کی مؤمنه قلباً ،
روحاً مربوطیتی متمسک اولدیغمز جبل متین محمدی مقتضاسیدر .

خلافت مآب ذیشان افندیمرک امامتیه امتجه ادا ایدیله جک صلاة
جمعه نك غند باریده کی درجه سی تعریفه اشبو نطقه نك تحملی یوقدر ،
مع الاسف مشهود اوله کلیدی اوزره عالم اسلامک داء عضالی تفرقه